



Komunidade Aldeia Taiblor, Suku Bandudato Postu Aileu Vila Halao enkontru Alterasaun Projeto Estrada rural iha Aldeia Taiblor.

Komunidade Aldeia Taiblor Hala'o Enkontru Alterasaun ba Projeto Estrada Rural

Projeto estrada rural ne'ebé lokaliza iha aldeia Taiblor, Suku Bandudato, Postu Aileu Vila, Munisipiu Aileu hanesan prioridade ne'ebé comunidade sira decide hodi konstrui iha aldeia Taiblor, projeto nee rasik ho distánsia 119 metru ho orsamentu rihun 17.351.

Orsamentu ne'ebé aloka ba projeto nee sei iha restu barak, ho nune'e mak comunidade sira decide hodi halo enkontru alterasaun hodi hadiak estrada refere ho kualidade ne'ebé diak no dura ba tempu naruk.

Tuir Chefe Ekpa Jestaun Suku, ne'ebé toma konta kona-ba projeto nee imforma katak, orsamentu ne'ebé aloka ba projeto nee sei restu barak, nune'e mak hamutuk ho comunidade ami realiza enkontru nee atu aumenta konstrusaun estrada nee hoc or estrada beton.

Nune tuir chefe aldeia Taiblor, Americo Martins prioridade estrada nee sira decide hodi konstrui tanba durante nee comunidade sira difisil atu bele lori sira nia produktu lokal husi knua mai faan iha estrada Nasional Diresaun Aileu Maubesi, tanba nee mak sira decide konstrui estrada rural nee bele fasilita comunidade sira bele faan produktu lokal.

Ministeriu da Administrasaun Estatal Realiza Treinamentu Plano Investimentu Integrado Munisipal Hodi Identifika Projeto Husi Nivel Aldea

Treinamentu ba Plano Investimentu Integrado Munisipal nee hala'o iha Salaun enkontru Ministeriu Solidaridade Sosial, Caicoli Dili 24/02/2017. Treinamentu Plano investimentu integrado Munisipal nee ho objektivo atu bele halo sperasaun ba plano investimentu Integrado Munisipal liu husi mekanismo Programa Nasionál Desenvolvimento Suku.

Objetivo prinsipál husi treinamentu nee atu fo koineshementu ba autoridade lokal sira hodi fasilita enkontru iha nivel postu, to'o iha Munisipiu hodi diskuti proposta projeto ne'ebé propoin husi identifikasaun prioridades husi aldeia ba suku hodi hato'o ba Administrador Postu.

Partisipa iha treinamentu nee mak, Administradór postu no fasilitador sosial postu administrativo hodi bele fasilita comunidade sira iha nivel aldeia atu bele identifika prioridade aldeia nia hodi submete ba iha suku no kontinua haruka ba postu administrativo, husi proposta determinasaun prioridades hirak ne'ebé comunidade sira propoin sei hetan aprovasaun iha munisipiu hafoin haruka ba nivel nasionál hodi tau hanesan Plano Investimento Integrado Munisipal iha tinan 2018.

Treinamentu nee involve mos administradór Munisipiu no Presidente Autoridade Munisipal sira ho intensaun atu autoridade masimu iha Munisipiu sira bele hapa'ar diak ho programa nee.

Hafoin identifika projeto iha nivel aldeia no suku sei haruka ba iha nivel postu ne'ebé automatikamente sei haruka proposta rua husi PNDS no proposta tolu seluk sei diskuti liu husi Plano investimentu integrado Munisipal.

PNDS

Hamutuk Ita
Dezenvolve nasaun

Abril 2017

Progresu

Pilotu: Remata ona

Faze 1 Siklu 1 : Remata ona

Faze 2 Siklu 1 : Remata ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, enkontru akontabilidade 50% primeirun)


Faze 2 Siklu 2 : Iha Etapa 10 (Sertifika, enkontru akontabilidade 50% primeiru)

Faze 3 Siklu 2 : Iha Etapa 3 (Transferensia Fundus Operasional)




Prioridade sira Iha Nasional

Faze I Siklu 2



Faze II Siklu 2



Plano Investimentu Integrado Munisipal Iha Munisipiu Manatuto Ofisial Lança Husi Vice Ministru Administrasaun Estatal, Tomas do Rosario Cabral

Lançamentu ba Plano Investimentu Integrado Munisipal (PIIM) husi Munisipiu Manatuto ofisial lança husi Vice Ministro Administrasaun estatál, Tomas do Rosario Cabral iha Suku Hohorai, Postu Administrativo Lacro, Iha loron (28/02/2017).

Vice Ministru da Administrasaun Estatal, Tomas do Rosario Cabral hafoin Lança Plano Investimento Intregado Municipal hatete, conselho suku rasik tengke hamosu ideia atu atende nesidade basik comunidade nian no tengke hahú ona halo planu programa Prioridade investimento basiku husi munisípiu to aldeia.

Tuir vise Ministru da Administrasaun Estatal katak linha ministerial hotu-hotu tengke fo assistensia téknika ba programa ne'e atu nune'e administrasaun munisipal bele elebora orsamentu ho diak. Tanba ne'e involvimentu comunidade no linha sectoral sira iha determinasaun prioridade aldeia to Suku importante atu bele sinkroniza planu sektoral baze ba prioridade ne'ebé comunidade sira propoint.

Iha parte seluk Administrador Munisipiu Manatuto, Fernando Sousa Junior hatete, Munisipiu Manatuto pruntu no optimis atu implementa programa ne'e, tanba funksionariu administrasaun Munisipiu Manatuto suficiente atu bele kontrola implementasaun Plano Investimentu Integrado Munisipal to'o iha Nivel Aldeia.



Kna'ar Sekretariado Tekniku PNDS Hatutan Vijaun no Misaun Heroi Sira Ne'ebé Uluk Funda Nasaun Ne'e

Loron ida liu tia, loron seluk mosu mai, husi jerasaun agora to'o ba jerasaun tuir mai tengki serbisu maka'as hodi hatutan Vijaun no Misaun heroí sira ne'ebé uluk funda nasaun nee. Ida nee mak lia fuan motivasaun ne'ebé hato'o husi administradór interino Munisipiu Lautem Jasinto da Costa iha Avaliasaun Annual PNDS iha Munisipiu Lautem (03/03/2017).

Tuir observasaun Administrador Interino Munisipiu Lautem, Jasinto da Costa durante implementasaun programa PNDS iha Lautem katak PNDS nudar programa ida diak tebes hodi ajuda comunidade laos deit sira hetan benefísiu maibé importante mak oinsá sira bele partisipa no involve an iha prosesu desenvolvimento.

Diretor Delegasaun PNDS Munisipiu Lautem, Delfim de Jesus afirma katak PNDS implementa ona iha Munisipiu Lautem durante tinan tolu, importante ba ami iha enkontru nee mak bele hamutuk ho autoridade lokal hanesan chefe suku inklui Ekipa Jestaun Suku (EJS) atu hare hamutuk kestaun implementasaun ne'ebé dala balun hasoru difikuldades iha implementasaun.

Husi parte autoridade lokal nia observasaun, tuir chefe Suku Fuiuro, Vitor Quintas katak programa nee diak tebes tanba bele rejolve emediatu difikuldade ne'ebé comunidade sira hasoru.

Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl